



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 391. Quænam res permutari possint aut nequeant.

[urn:nbn:de:hbz:466:1-73957](#)

Quæst. 391. Quænam res permutteri possint aut nequeant?

Resp. Res omnes, quæ sunt in commercio, & alienari non prohibentur, & in specie quæ emi & vendi possunt. Arg. l. 34. §. 1. ff. de contrah. empr. ubi: cùm rerum, quæ natura, vel ius gentium, vel mores civitatis commercio exemerunt, vendito nulla sit, &c. adeoque & earum permutatio; exceptis tamen rebus alienis, quæ quidem vendi possunt, non tamen permutteri; sive de cætero sint res corporales, sive incorporales, mobiles & immobiles; ita ut neque pecunia numerata excludatur, dum nimurum non tanquam pretium, sed tanquam certum corpus præ re alia, aut etiam pro alia pecunia pari modo ut certum corpus considerata datur. Mantic. de tac. & ambig. convent. l. 25. tit. 3. n. 14. Lauterb. b. t. §. 11. non obstante l. 5. §. 1. ff. de P. V. cùm ibi pecunia considerata ut pretium excludatur à permutatione. Neque etiam res æstimatae, ita ut licet quis rem certo pretio æstimatam ab alio recipiat, adhuc sit vera permutatio, non emptio & venditio, utpote ad quam non sufficit dari aut accipi rem pretio æstimatam, sed requiritur, ut ex una parte sit promissum pretium, & obligatio ad pretium solvendum contracta, quod in dicto casu non fit. Lauterb. §. 13. remittens ad Pinell. ad rub. de rescind. vendit. p. 2. c. 1. n. 15. Barbol. ad l. 1. C. b. t. num. 2. & seq. Mantic. loc. cit. l. 4. tit. 19. num. 4. & alios; addensque id verum esse, etiamsi unus rem illam habuerit venalem, ut Pinell. loc. cit. Neque res fungibles, sive sint unius, sive sint diversi generis, eti de cætero constent mensurâ vel pondere, simpliciter excluduntur à permutatione, modò sint certæ & determinatae, ut dum datur vinum pro vino vel tritico. Lauterb. §. 11. Permutari quoque possunt res obnoxiae fideicommisso cum rebus aliis utilioribus aut magis commodis, idque, etiamsi testator prohibuerit alienationem; ita tamen, ut res permutterata succedat, in locum rei permutteratæ, intellege, quod ad fideicommissum. Muller. ad Struv. b. t. thes. 19. lit. v. citans Maulium tr. de permut. tit. 5. num. 10. & seq. Struv. decis. Sabbat. c. 15. decis. 11. Dixi tamen: excepta rebus alienis; eti enim hæ validè & licite vendi possunt, juxta l. 28. ff. de contrah. empr. permutteri tamen validè non possunt, sed est earum permutatio simpliciter nulla, l. 1. §. 3. f. b. t. & c. cum venerabilis. de empr. ubi: cum permutatio inter contractus bonæ fidei computetur, nec cum alio quam domino, vel cum eo, qui habeatur loco domini, legitimè valeat celebrari &c. Franzk. b. t. num. 6. Perez in Cod. b. t. num. 1. Lauterb. §. 14. cum communii. Unde jam, qui rem alienam dedit, ad contractum compleendum agere non potest, ut patet, ut id potest, qui, data re sua, alienam accepit. Muller. ad Struv. b. t. thes. 20. Sed neque, qui rem alienam accepit, ut pro illa det aliam, ad eam dandam obligatur, cùm ad contractum permutationis perinde se habeat, ac res nulla ei tradita fuisset. Unde nec actione P. V. contra eum agi potest, cùm, ubi nulla est permutatio, actio permutationis locum habere non potest; sed solum conditione, causa data, causa non secundâ ad rem acceptam restituendam ex quasi contractu, & tacita seu præsumptione conveniri potest, l. 1. §. 3. juncto §. 4. ff. b. t. & sic hæ actio cum actione P. V. ex permutatione non concurrit propriè loquendo; quia non ex uno, sed ex diversis negotiis; descendant hæ actiones, ut Franzk. loc. cit. Bachov. ad Wesenb. b. t. num. 9. & alii, quos

citat ac sequitur Lauterb. loc. cit. Si vero is, qui rem alienam recepit, rem suam dedit, ex hujus datione contractus permutationis subsistit, habetque is electionem, an velit rem suam repeteret; an vero ex contractu actione P. V. velit agere contra adversarium, qui rem alienam dedit, ac si ab illo nihil sibi traditum fuisset, l. 1. ff. & l. 1. C. b. t. Sichard. de contract. emptionis dif. 40. lit. d. Bachov. ad Trent. vol. 1. d. 30. thes. 10. in fin. Lauterb. §. 15. cum Sichard. idem esse dicens, etiamsi res illa aliena nondum evicta, de qua evictione alijs tenetur, qui rem alienam dedit, l. 29. C. de evict.

Quæst. 392. An & qualiter res spirituales & ecclesiasticae inter se & cum aliis permutteri possint?

1. Resp. primò: Res spiritualis cum temporali nec licite nec validè permutteri potest. Est certum apud omnes juxta c. fin. de Paclis. & c. fin. b. t. d. r. tempore pro spirituali & simoniacum juxta pariter communem, de quo ex professio ad tit. de Simon. Res tamen spiritualis pro alia re spirituali licite & validè permutteri potest. Arg. c. unic. b. t. in 6. & clem. unic. eod. ubi licita & valida supponitur permutatio beneficiorum, quæ utique sunt res spirituales; ex ea etiam ratione, quod res spirituales sunt ejusdem, adeoque non derogetur earum dignitati, si invicem permutterentur; & ita cum communi tenet Abb. in c. 2. de transact. contra Richard. Palud. & paucos alios putantes id quoque prohibitum & simoniacum. Modò tamen etiam, dum istiusmodi res spirituales sunt jura spiritualia, puta, jurisdictio spiritualis, jus decimandi, &c. adhibeantur solennitates iuris necessariae ad alienationes aliorum bonorum immobilium Ecclesiae. Quæ tamen solennitates necessariae non sunt, dum privati inter se permutterat res aliquas spirituales seu sacras, puta reliquias SS. calices consecratos & similia, ut patet quotidiana experientia.

2. Resp. secundò: Bona ecclesiastica immobilia & mobilia pretiosa, quæ servando servari possunt permutteri possunt etiam cum aliis bonis similibus secularibus, modò id fiat ex rationabili causa (quæ minor sufficit ad ea permutteranda, quam ad vendendum; cum permutatio talis communiter minus obfit Ecclesiæ quam eorundem venditio. Laym. in diff. can. de reb. Ecclef. alien. thes. 74. Pith. b. t. num. 5.) & requisitis solennitatibus, puta, adhibito tractatu & confensu Capituli, si bona sine ecclesiæ alicuius collegiate, & consensu superioris, pro ut hæ dicta & ex professio declarata ad tit. de reb. ecclef. alien. quæ enim ibi dicta de alienatione in communi, applicari possunt in specie permutationi. His non obstante, quod, ut habet reg. 5. jur. in 6. semel dicatum Deo, non sit ulterius ad usum humanos transferendum; cùm per rō Deo dicatum intelligatur specialiter Deo consecratum, qualia non sunt prædia, agri bonaque alia ad ecclesiam spectantia. Speciale autem est, quod statuitur de servis seu mancipiis ecclesiæ, nimurum, quod non debant pro aliis mancipiis commutari, nisi in ordine ad libertatem, ita ut videlicet mancipia hæc perpetuum consequantur libertatem; alia autem mancipia laicorum iis substituta, seu loco illorum data subjiciantur servituti ecclesiæ, idque ne, quod fuerat semel consecratum Deo, ad humanos, hoc est, secularles usus transferatur; cùm indecens sit & injustum, ut mancipia, quæ fideles